




# HE KIRĪKITI, ENGARI KAUA KO TĀU E MŌHIO NĀ

## INGOA KĒMU

# Epa takaporepore

## PŪKENGA



E WHIU ANA

## TAPUTAPU

- Kia 1 te huinga pou mō tēnā me tēnā tima
- Kia 1 te pōro ki tēnā me tēnā kōtiro

## WHAKAMĀRAMA

- Me tū tītaha ngā kōtiro ki te wāhi whiunga
- Hoatu tohutohu māmā ki ngā kōtiro, pēnei me ēnei: 'Mahia he taringa rāpeti ki te pōro, kia rua ngā matimati ki tēnā me tēnā taha o te tuinga, ko te kōnui ki te raro o te pōro'
- Kia mau ki te pōri ki te mau epa, me torotika te ringa epa ki raro ki te turi o muri
- Me toro atu tērā atu ringa ki te rangi
- Ka rite ana te kaiepa ki te epa, me rere ā-wīra kāta ngā ringa, ko te ringa epa ka rere ake mā runga, ko tērā atu ringa ka rere whakararo
- Kia tae te ringa epa ki runga rawa, tukuna te pōro, ka mahi ai i te takaporepore ā-wīra kāta

## WHAKAREREKĒTANGA

- I te tīmatanga, whiua ki te wāhi whiunga, nāwai ka epaina
- Tāpirihia, unuhia rānei he pou hei wāhi whiunga e ai ki te taumata o ngā pūkenga
- Hangaia he whakataetae mō te takaporepore pai rawa, te epanga pai rawa rānei




# HE KIRĪKITI, ENGARI KAUA KO TĀU E MŌHIO NĀ

## INGOA KĒMU

# Kaioma Pounamu

## PŪKENGA



## TAPUTAPU

- Kia 2 ngā huinga pou
- Kia 4 ngā koeko, tohu rānei (nui atu rānei)
- Kia 4 ngā pōro kirikiti / tenihi

## WHAKAMĀRAMA

- Whakaritea he wāhi tākaro 25m x 15m (he tapawhā)
- Whakaritea kia 2 ngā huinga pou, kia 16m te tawhiti, ki waenganui pū i te tapawhā
- Whakarōpūtia ngā kōtiro kia rua ngā tīma; he tīma epa, he tīma oma. Ka whakarārangi te tīma oma ki tētahi kokonga o te tapawhā. Ka whakarārangi te tīma epa ki tētahi huinga pou, ko te kaitiaki wīkiti ki tērā atu huinga pou
- Ki te pāngia e te tīma epa ngā pou, me noho te kaioma ki te wāhi kei reira ia
- Kia pāngia ngā pou, kia hoki rānei te kaioma ki te kāinga, ka rere te kaioma o muri mai
- Ko te kaioma whakamutunga o te rōpū te 'kaioma pounamu', ā, ka taea e ia ngā kaioma e noho ana te pā, ā, ka wātea rātou ki te maranga me te oma anō
- Kia pāngia ngā pou i te omanga a te 'kaioma pounamu', kia hoki rānei ngā kaioma ki te kāinga, ka mutu te rauna

Tirohia ngā mahi ki konei: [https://youtu.be/Ceoj\\_GRuLro](https://youtu.be/Ceoj_GRuLro)

## WHAKAREKĒTANGA

- Kia pai ai te parakitihī i te whiunga, tukuna te tīma epa ki te whiu i te pōro ki ngā pou. He tīmatanga pai te whiu ki ngā pou, nāwai rā ka epa kē.
- Whakaurua ētahi atu nukuhanga pēnei me te tarapekepeke me te māwhitiwhiti, huri noa i te tapawhā, kaua ko te oma kē
- Ia kēmu, ia kēmu, whakarerekētia ai te 'Kaioma Pounamu'




# HE KIRĪKITI, ENGARI KAUA KO TĀU E MŌHIO NĀ

## INGOA KĒMU

### Epa Tōtika

## PŪKENGA



## TAPUTAPU

Mō tēnā rōpū/tokorua:

- Kia 1 te huinga pou
- Kia 3 / 4 ngā koeko, ngā tohu rānei
- Kia 1 te pōro kirikiti / tenihi ki tēnā, ki tēnā

## WHAKAMĀRAMA

- Kei tēnā rōpū, kei tēnā rōpū he huinga pou, he koeko/tohu hoki, e ai ki te whakaahua
- Ko te whāinnga he epa, he whiu rānei kia tūpana te pōro ki te tohu o tētahi tae ake, ā, ka rere tonu atu te pōro ki ngā pou
- Kotahi kōtiro kia epa, kotahi kia tiaki wīkiti. E nukunuku tonu ai te katoa, ka huri te kaiepa hei kaitiaki wīkiti i muri mai i tēnā epanga, i tēnā epanga. Me he takirua kē, kia 5 ngā epanga kātahi ka whakawhiti mahi
- Whakakēmutia
- Ka whiwhi piro mō tēnā koeko (+1), mō tēnā huinga pou (+3) e tukia ana

## WHAKAREREKĒTANGA

- Ka taea te arotahi ki te tiaki wīkiti kia whanake ai aua pūkenga anō hoki
- Meatia ngā koeko hei au rere, ka whakamātauria ai ngā kōtiro ki te epa i te pōro kia tau ki te au (ki waenga i ngā koeko e rua)
- Epaina te pōro kia tau ai ki tētahi taha o te koeko, kātahi ka huri kia tau ai ki tērā atu taha o te koeko
- I te tīmatanga, whiua te pōro ki ngā pou, nāwai ka epaina
- Tāpiritia atu ētahi atu huinga pou kia nui atu ai te wāhi whiunga




# HE KIRĪKITI, ENGARI KAUA KO TĀU E MŌHIO NĀ

## INGOA KĒMU

### Turaki Pou

## PŪKENGA



## TAPUTAPU

- Kia 1 te huinga pou ki ia tīma
- He pōro ki ia tīma
- Kia 1 te koeko/tohu ki ia tīma

## WHAKAMĀRAMA

Ko tētahi o ngā tino a Āe! Kōtiro ko Turaki Pou

- Kia iti ngā rōpū (he pai kē kia 2-4 ngā kaitākaro ki ia rōpū), e anga atu ana tētahi ki tētahi, kei waenganui ko te huinga pou
- Ka whiu tētahi kaitākaro i te pōro ki ngā pou. Ka hopu te kaitiaki wīkiti i te pōro, ka oma ki te muri i te rārangi o tōna tīma. Ka noho hei kaitiaki wīkiti ko te kaitākaro nāna nei te pōro i whiu
- Ka pāngia ana ngā pou, ka unuhia tētahi o ngā pou
- Ko te toa ko te tīma tuatahi ki te unuunu i āna pou katoa

Turaki Pourewa:

- Hangaia he pourewa ki ngā huinga pou e rua (ko te take o te tuarua ka tau ki te runga o te tuatahi), ā, me turaki te tīma i te pourewa

## WHAKAREREKĒTANGA

- Whakamahia kia 2, kia 3 rānei ngā huinga pou kia nui atu ai te wāhi whiunga
- Whakapototia, whakaroatia rānei te tawhiti o ngā tīma i ngā pou
- Kia pāngia he pou, unuhia te pou kia iti iho te wāhi whiunga
- ‘Turaki Pourewa’




# HE KIRĪKITI, ENGARI KAUA KO TĀU E MŌHIO NĀ

## INGOA KĒMU

### Korowha Whiu

## PŪKENGA



E WHIU ANA

## TAPUTAPU

Ki tēnā tokorua, ki tēnā tokorua:

- Kia 1 te pōro kirikiti/tenihi ki tēnā, ki tēnā
- Kia 4-5 ngā koeko, ngā pou rānei hei 'rua korowha'

## WHAKAMĀRAMA

- Whakaritea he 'kōhi korowha', kia 4-5 ngā rua – he huinga pou, he koeko rānei te rua...Ko te rite o te korowha ripi (frisbee), engari ki ngā taputapu kirikiti
- Ka whiua takiruatia e ngā kōtiro tā rāua pōro ki te rua. Ka whāia e rāua te pōro, ka hīkina, ka whiua anō, kia tae rā anō ki te 'rua', arā mā te pānga o te pōro ki te koeko, ki ngā pou rānei
- Tatauria ngā whiua ki tēnā, ki tēnā o ngā 'rua' kia pā rā anō ki te koeko, ngā pou rānei
- Kei te toa ko te tataui iti rawa

Panonitia, whakamahia ngā taputapu kirikiti kāpō!

- Kia mau tētahi kōtiro i te ārai karu, ka tuku tohutohu tāna hoa kia pai ai te whiu. Whakawhitia te ārai ki tēnā rua, ki tēnā rua

## WHAKAREKĒTANGA

- Whakarerekētia te roa o ngā rua. Ki ētahi me huhua ngā whiu roroa; ki ētahi me poto, me tika ngā whiu
- Whakamahia ētahi pōro rerekē – ka whiua he pōro tauhohe, ka kore e taea te matapae āna tūpana
- Whakaurua te hohorotanga, kia horo te hāereere haere i te kōhi
- Whakamahia he patu hei patu i te pōro, kua e whiua te pōro